

Фестиваль

Историез утён

## Тунсыко арня вите

22-тй-27-тй куартолэзе Удмуртиын ортчоз 5-тйез «П. Чайковскийлэн дор пальёсаз» литература фестивал (0+).

Сое радъяло Россиясь культура фонд но шарьсьтым Иёскалык библиотека Удмуртиесь Культура министрство юрттэмен. Туэ но та фестивал Ижын гинэ уз ортчы. Россиясь но Удмуртиесь тодмо писательёс, художникёс, крезьгурчиос, артистёс лекциосын, адзытонёсын, концертёсын, спектаклёсын презентациосын вуылозы Сарапулэ но Воткинске, Шарканэ, та ёросысь Быгы гуртэ, Вотка ёросысь Июльское но Дэри ёросысь Италмас черкогуртёсы, Ува но Эгра каргуртёсы. Та фестивал дыръя ик радъяскоз Семьялэн арезлы сйзем «Библиотека-книга-семья» форум.

Таяз фестивале трос тодмо артистёс вуозы, кылсярысь, Россиясь дано артистка Ольга Сташенко творчествоезлы сйзем «Всё начинается с желания» жыт (6+) ортчытоз. Кузпальёс-артистёс Владимир Жеребцов но Анастасия Панина «Путь к успеху» программасэ (16+) возматозы. Россиясь калык артист Авангард Леонтьев но вуоз. Пинальёслы но, бадзымёслы но тунсыко луоз «Мурзилка» журналлэн валтйсь редактореныз Ирина Антоноваен пумиськон-кенешон. Туэ та нылпи журналлы 100 ар тырмиз. Нылпи писатель Нина Дашевская егитгёс понна кылбурверос гожьянъя мастер-класс ортчытоз но «Ветер вернётся» (12+) книгаеныз тодматоз. Нош Россиясь Президентлэн юрттйез, историк Владимир Мединский «Рассказы из русской истории» лекцизэ лыдзоз.

Галина САВИНА

# Писательёс уз кошке!



Удмуртиесь Иёскалык библиотекалэн литературно-выставочной центрз люкамын писательёслэн рукописьёсы, арбериссы.

Тупсуктйз Борис ГОРБУНОВ

**Иёскалык библиотекаын усыйськиз литературно-выставочной центр. Учкисьёс адзыны быгатйзы шаерысьтым тодмо писательёслэсь рукописьёссэс, автографенызы книгаоссэс.**

Пумиськонын пусьмын вал, литературно-выставочной центрз усyton — со шарамы литературной музей кылдытонлэн нырысетй ватьшез шуыса.

Таё музейлэн кулэлыкез сярысь уждаын вераськызы культура министр Владимир Соловьёв, Кун Кенешысь Культура, туризмъя но йёскалык политикая ялан ужась комиссилэн төроез, «Удмурт Кенеш» огазеясконлэн кивалтйез Андрей Ураськин, «Удмурт дунне» газетлэн валтйсь редакторез, Удмуртиесь Писательёслэн огазеясконзылэн ёзчиез Елена Миннигараева,

тодосчи Надежда Лекомцева (литературоведлэн, писательлэн Анатолий Уваровлэн чыжы-выжыез).

Владимир Соловьёв пусйиз: — Литературалы сйзем музей сярысь вераськонтьёс кемалась мыно ини, кёня ке дасо арёс чоже сыёе куронэн вазиськылйз фин-угор дуннеысь одйгез бадзым тодосчимы Валентин Кельмаков. Жаляса верано, со улоньы кошкиз. Но соин люкиськон дыръя малпай, сыёе музей кылдытом, кагчи овёл ке но... Кошко поколениос. Соосын чош кошко материалёс, кудьёсыз тунсыко луысалзы будйсь егитгёслы. Туала писательёслы но, лыдзисьёслы но соос туж кулэ.

— Библиотека трос арёс чоже ини тодмо литературоведёслэсь, писательёслэсь рукописьёссэс бича, автографен книгаослэсь коллекциос люка, — шуиз Иёскалык библиотекалэн директорез Татьяна Тензина. — Та центрз

усyton дорозь ми 106 ар мыниймы. Чэпак сомында тырме туннэ библиотекамылы. Арберисос чырыен-пырыен кема люкаськызы. Али но туж тросэз драмы ваё асьсэ библиотекаоссэс, милям та книгаосты утеммы потэ, со калыкы синпель луыса мед кылэз.

Ужрадэз нуиз библиотекаысь шаертонья ёзэн кивалтйсь Татьяна Николаева. Со тодаз вайиз, кызы огпол библиотекае бадзым коробкаен книгаос вуттйзы. Квартира, пе, басьтим но, та книгаос улоньы кошкем азьвыл кузёлэсь кылиллям. Куштыны жаль, соин вайим. Татьяна Васильевна верамъя, библиотекаын со книгаосты учкыны кутскиллям но, шараяськем: соос шаерысьтым тодмо писательлэн, Зоя Богомолова литературоведлэн матысь эшезлэн Ольга Парфеновалэн выйиллям! Нош кёня писательёслэн библиотекаоссы, архивёссы

жуг-жаг пёлы куштйсько, ышо-быро! Озы культура узырлыкмес ыштйськом.

Виль кылдытэм литературно-выставочной центретй экскурсия орчтытй библиотекаын ужась тодосчи, филология наукаосья кандидат Лариса Дмитриева. Адзыны луиз кылем даурлэн 20-тй арёсаз поттэм К. Гердлэсь, А. Окилэсь книгаоссэс, зуч поэтлэсь Олег Поскрёбышевлэсь но удмурт нылпи кылбурчилэсь Герман Ходыревлэсь библиотекаосысьтызы книгаоссэс. Игнатий Гаврилов, Егор Загребин драматургёслэн пьесаосысьлысь рукописьёссэс, калык писательлэсь Семён Самсоновлэсь рукописьёсэ но мукет экспонатёсты.

Азыланяз татын ик чузьяськыны быгатозы писательёслэн архиве кылем куароссы.

Елена ПАНФИЛОВА